

ZAPISNIK

sa 18. vanredne sjednice Senata Univerziteta održane 02.11.2009. godine sa početkom u 13,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

Sjednici su prisustvovali slijedeći članovi Senata: prof.dr. Admedina Savković, prof.dr. Edin Delić, prof.dr. Mirsad Đonlagić, prof.dr. Snježana Marić, prof. Vlado Kerošević, prof.dr. Nevzeta Salihović, prof.dr. Reuf Kapić, prof.dr. Izudin Kešetović, doc.dr. Amir Tokić, doc.dr. Aljo Mujčić, prof.dr. Lejla Begić, prof.dr. Zlata Mujagić, prof.dr. Branimir Mikić, prof.dr. Enver Halilović, prof.dr. Izet Alić, prof.dr. Ramiz Šelo, prof.dr. Farid Ljuca, prof.dr. Elmir Čičkušić, doc.dr. Hajro Kofrc, prof.dr. Izudin Hasanović, prof.dr. Fehim Dedagić, prof.dr. Salih Kulenović, prof.dr. Izet Žigić, prof.dr. Mirjana Radić, Ismet Pirić, dipl.ecc. i Edin Eminović, predsjednik USUT-a.

Sjednici nisu prisustvovali: prof.dr. Srđan Vukadinović, doc.dr. Mirela Duranović, prof.dr. Alija Biberović, doc.dr. Bego Omerčević, prof.dr. Abdulah Bašić, prof.dr. Muhamed Bijedić, Azra Tinjić i Denis Talović, studenti.

Osim članova Senata sjednici su prisustvovali: Jasmina Berbić, dipl.pravnik – generalni sekretar Univerziteta, prof.dr. Božo Tomić, prodekan i Mirsada Delić, dipl.pravnik – sekretar Senata.

Rektor Univerziteta sazvaio je sjednicu, za koju su u toku dana putem telefona obaviješteni članovi Senata i za koju je utvrđen slijedeći

DNEVNI RED

1. Dopuna Liste univerzitetskih opštih izbornih predmeta (prijedlog Akademije dramskih umjetnosti i Filozofskog fakulteta Univerziteta u Tuzli)
2. Razmatranje prijedloga Plana pokrivenosti nastave dodiplomskog studiju – I ciklus, na fakultetima/Akademiji Univerziteta u Tuzli za akademsku 2009/2010. godinu
3. Donošenje Odluke o raspisivanju Konkursa za izbor članova Upravnog odbora iz reda akademskog osoblja Univerziteta u Tuzli
4. Izjašnjenje Univerziteta u Tuzli na Prijedlog Zakona o izmjenama i dopunama Zakona o visokom obrazovanju Tuzlanskog kantona

TAČKA 1.

DOPUNA LISTE UNIVERZITETSKIH OPŠTIH IZBORNIH PREDMETA (PRIJEDLOG AKADEMIJE DRAMSKIH UMJETNOSTI I FILOZOFSKOG FAKULTETA UNIVERZITETA U TUZLI)

Nakon razmatranja prijedloga Akademije dramskih umjetnosti od 02.11.2009. godine, prijedloga Naučno-nastavnog vijeća Filozofskog fakulteta broj: 02/5-8169.11/09 od 16.10.2009. godine, Odluke Senata Univerziteta broj: 03-6806-3/09 od 16.09.2009. godine, Senat je donio

1. ODLUKU
o dopuni Odluke - Liste univerzitetskih opštih izbornih predmeta za akademsku
2009/2010. godinu, broj: 03-6803-3/09 od 16.09.2009. godine

I

Vrši se dopuna Odluke Senata Univerziteta - Liste univerzitetskih opštih izbornih predmeta za akademsku 2009/2010. godinu, broj: 03-6803-3/09 od 16.09.2009. godine, i glasi:

AKADEMIJA DRAMSKIH UMJETNOSTI

Izborni predmeti	Zimski semestar				Ljetni semestar			
	P	A	L	ECTS	P	A	L	ECTS
Oratorstvo	1	1	0	2				

FILOZOFSKI FAKULTET

Izborni predmeti	Zimski semestar				Ljetni semestar			
	P	A	L	ECTS	P	A	L	ECTS
Historija Bosne i Hercegovine	2	0		2				
Kultura pisanoga izražavanja	2	0		2				
Norma b/h/s jezika	1	1	0	-				
Sociologija I	2	0		2				
Kulturna historija Bosne i Hercegovine					2	0		2
Drama i film u BiH					2	0		2
Postmodernistička poetika u bosanskohercegovačkoj prozi					2	0		2
Sociologija II					2	0		2

II

Ova Odluka čini sastavni dio Odluke Senata Univerziteta broj: 03-6806-3/09 od 16.09.2009. godine.

TAČKA 2.

RAZMATRANJE PRIJEDLOGA PLANA POKRIVENOSTI NASTAVE DODIPLOMSKOG STUDIJU – I CIKLUS, NA FAKULTETIMA/AKADEMIJI UNIVERZITETA U TUZLI ZA AKADEMSKU 2009/2010. GODINU

Nakon video prezentacije i obavljene rasprave o prijedlogu Plana pokrivenosti nastave dodiplomskog studiju – I ciklus, na fakultetima/Akademiji Univerziteta u Tuzli za akademsku 2009/2010. godinu, Senat je donio

2.

ODLUKU

I

Donosi se Plan pokrivenosti nastave dodiplomskog studija – I ciklus, na fakultetima/Akademiji Univerziteta u Tuzli za akademsku 2009/2010. godinu, i to:

1. Akademija dramskih umjetnosti
2. Edukacijsko-rehabilitacijski fakultet
3. Ekonomski fakultet
4. Fakultet elektrotehnike
5. Farmaceutski fakultet
6. Fakultet za tjelesni odgoj i sport
7. Filozofski fakultet
8. Mašinski fakultet
9. Medicinski fakultet
10. Pravni fakultet
11. Prirodno-matematički fakultet
12. Rudarsko-geološko-građevinski fakultet
13. Tehnološki fakultet

II

Sastavni dio Odluke čini Plan pokrivenosti nastave iz tačke I ove Odluke.

III

Zadužuju se dekani fakulteta/Akademije Univerziteta u Tuzli, za realizaciju Zaključka donesenog u vezi sa tačkom I ove Odluke.

Nakon donesene prethodne Odluke, Senat je donio i slijedeći

2.1.

ZAKLJUČAK

Zadužuju se dekani fakulteta/Akademije Univerziteta u Tuzli, da shodno pojedinačnim primjedbama istaknutim u Zapisniku na prijedlog Plana pokrivenosti nastave dodiplomskog studija – I ciklus, na fakultetima/Akademiji Univerziteta u Tuzli za akademsku 2009/2010. godinu, osiguraju povjeru nepokrivene nastave, prijedlog koriguju i dopune na traženi način, te prečišćen i ovjeren Plan pokrivenosti nastave, dostave Uredu za nastavu i studentska pitanja Univerziteta u Tuzli.

TAČKA 3.

DONOŠENJE ODLUKE O RASPISIVANJU KONKURSA ZA IZBOR ČLANOVA UPRAVNOG ODBORA IZ REDA AKADEMSKOG OSOBLJA UNIVERZITETA U TUZLI

Na osnovu ukazane potrebe Senat Univerziteta je donio

3.

O D L U K U

o raspisivanju Konkursa za izbor i imenovanje 4 (četiri) člana Upravnog odbora Univerziteta u Tuzli iz reda nastavnika u radnom odnosu na Univerzitetu u Tuzli

I

Raspisuje se Konkurs za izbor i imenovanje 4 (četiri) člana Upravnog odbora Univerziteta u Tuzli iz reda nastavnika u radnom odnosu na Univerzitetu u Tuzli.

Za članove Upravnog odbora Univerziteta u Tuzli iz reda nastavnika u radnom odnosu na Univerzitetu u Tuzli, mogu biti imenovani kandidati koji ispunjavaju slijedeće **opće uslove**:

- a) da su državljani BiH-a;
- b) da su stariji od 18 godina;
- c) da su zdravstveno sposobni za obavljanje poslova za koje se kandiduju;
- d) da nisu osuđivani za krivično djelo ili privredni prijestup, koji predstavlja smetnju za imenovanje na date poslove/funkciju, u roku od 5 (pet) godina od dana izdržane, izvršene, zastarjele ili oprostene kazne;
- e) da im odlukom suda nije zabranjeno obavljanje aktivnosti na navedenoj poziciji i
- f) da se na njih ne odnosi član IX.1., Ustava BiH-a.

Pored općih uslova iz prethodnog stava ove tačke, kandidati moraju ispunjavati i slijedeće **posebne uslove**:

- a) da imaju izbor u jedno od nastavničkih zvanja na Univerzitetu u Tuzli;
- b) da su u radnom odnosu na Univerzitetu sa punim radnim vremenom;
- c) da nemaju funkciju u izvršnim organima političke partije ili organizacije koja je povezana sa političkom partijom i
- d) da nemaju privatni finansijski interes na Univerzitetu.

II

Članove Upravnog odbora imenuju Senat Univerziteta u Tuzli na mandatni period od 4 (četiri) godine.

III

Uz prijavu na Konkurs kandidati su dužni priložiti, **u originalu ili ovjerenoj fotokopiji**, dokaze o ispunjavanju propisanih općih i posebnih uslova i to:

1. biografiju;
2. uvjerenje o državljanstvu BiH ili kopiju CIPS-ove lične kate, u skladu sa tačkom a) općih uslova (ne starije od 6 (šest) mjeseci);
3. izvod iz matične knjige rođenih, u skladu sa tačkom b) općih uslova (ne starije od 6 (šest) mjeseci);
4. ljekarsko uvjerenje o zdravstvenoj sposobnosti za obavljanje poslova člana Upravnog odbora, u skladu sa tačkom c) općih uslova (ne starije od 6 (šest) mjeseci);
5. uvjerenje nadležnog suda o nekažnjavanju, u skladu sa tačkom d) općih uslova (ne starije od 3 (tri) mjeseca);

6. uvjerenje nadležnog suda da mu nije zabranjeno obavljanje aktivnosti na navedenoj poziciji, u skladu sa tačkom e) općih uslova (ne starije od 3 (tri) mjeseca);
7. izjavu da nije podignuta optužnica Međunarodnog suda za ratne zločine u bivšoj Jugoslaviji, ovjerenu kod nadležnog općinskog organa ili notara, u skladu sa tačkom f) općih uslova;
8. odluku o izboru u zvanje nastavnika na Univerzitetu u Tuzli, u skladu sa tačkom a) posebnih uslova;
9. uvjerenje da je u radnom odnosu na Univerzitetu u Tuzli sa punim radnim vremenom, u skladu sa tačkom b) posebnih uslova;
10. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog općinskog organa ili notara, u skladu sa tačkom c) posebnih uslova;
11. izjavu da nema privatni finansijski interes na Univerzitetu u Tuzli, ovjerenu kod nadležnog općinskog organa ili notara, u skladu sa tačkom d) posebnih uslova.

IV

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja ovog Konkursa u dnevnom listu.

V

Informacije o djelokrugu rada Upravnog odbora mogu se pogledati na WEB stranici Univerziteta www.untz.ba (akti/dokumenti-Statut)

VI

Nepotpune i neblagovremene prijave neće se uzeti u razmatranje.

VII

Prijave na Konkurs, sa potrebnim dokazima, dostavljaju se u **zatvorenoj koverti** na pisarnicu Univerziteta ili putem pošte, na adresu:

UNIVERZITET U TUZLI

- Konkursna komisija -

uz naznaku:

**"Prijava na Konkurs za izbor i imenovanje članova Upravnog odbora
Univerziteta u Tuzli"**

Ul. Muharema Fizovića-Fiska broj 6

75000 TUZLA

TAČKA 4.

IZJAŠNJENJE UNIVERZITETA U TUZLI NA PRIJEDLOG ZAKONA O IZMJENAMA I DOPUNAMA ZAKONA O VISOKOM OBRAZOVANJU TUZLANSKOG KANTONA

Nakon obavljene rasprave, a shodno Zaključku Skupštine Tuzlanskog kantona donesenom na 51. sjednici Skupštine održane 28.10.2009. godine, a vezano za povlačenje iz procedure Zakona o izmjenama i dopunama Zakona o visokom obrazovanju od strane Vlade TK, radi pripremanja Informacije o stanju na Univerzitetu u Tuzli, kao podloge za izmjene i dopune Zakona, Senat Univerziteta u Tuzli, od prisutnog broja članova Senata, jednoglasno se izjasnio da predlađa:

- u kontekstu priedloga za izmjenu člana 53. stav (4) osigura da se isti princip (ne)primjeni kod imenovanja na sve pozicije tj. rektora, prorektora, dekana i direktora Studentskog centra;
- predloženim izmjenama članova 78. stav (1) do 81. stav (1) Senat Univerziteta predlaže da zaposlenici univerziteta (VŠU) iz reda saradnika budu ravnopravni pred zakonom, sa licima koja nemaju iskustvo u radu na visokoškolskoj ustanovi, pa u se u tom pravcu predlaže da se u tekst Zakona, na odgovarajućem mjestu ugradi novi član koji bi glasio:

"Kandidati za izbor u naučno-nastavna i saradnička zvanja koji nisu zaposlenici Univerziteta moraju priložiti relevantan dokaz da imaju radno iskustvo u struci u trajanju predviđenom za prethodna izborna zvanja".

Komentar

Senat, uvažavajući kadrovsku insuficijenciju na Univerzitetu, posebno na nekim fakultetima, podržava inicijativu da se izborni period višeg asistenta ne mora u potpunosti provesti od strane kandidata, ali ukazuje na suprotnost toga rješenja sa Okvirnim zakonom o visokom obrazovanju u BiH.

Na kraju sjednice Edin Eminović, predsjednik USUT-a zatražio je ostavku prof.dr. Džeme Tufekčića, rektora Univerziteta u Tuzli.

O navedenom nije vođena rasprava.

Prof.dr. Lejla Begić, dekan, obratila se Senatu i skrenula pažnju da se nastava za studente Farmaceutskog fakulteta nema gdje održavati, zbog čega je predloženo da je neophodno održavati zajedničke sastanke i iznalaziti rješenja za nastale prostorne i druge poteškoće.

Drugih pitanja i informacija nije bilo pa je sjednica Senata Univerziteta u Tuzli završena u 19,00 sati.

ZAPISNIK SAČINILA

PREDSJEDNIK SENATA

Mirsada Delić, dipl.pravnik

Dr.sc. Džemo Tufekčić, red.prof.

UNIVERZITET U TUZLI

Broj: 03-8649-1/09.

Tuzla, 02.11.2009. godine